



Arubaanse Courant

Anja 25

dialuna 6 di januari 1964

4932.

Bishita di Gobernador Na Aruba

Oranjestad, 6 Januari.


Diasabra atardi pa 2' or y mei a yega na aeropuerto na Aruba for di Corsow Su Excelencia Gobernador di Antillas N. Debrot cu esposa acompaña pa e ayudante di e gobernador. Na aeropuerto nan a worde encontra na e avion pa Gezaghewber O.S. Henriquez, comisario di Polis na Aruba C.A. de Jager, luchthavenmeester C. Heemskerk y commandante di e mariniernan Hulandes na Aruba, majoor G. Ballieux.

Despues di a worde saluda pa e personanan menciona Gobernador a inspecta un parti di fuerza arma cu tabata ariba plataforma di aeropuerto. Hunto cu Gezaghewber O.S. Henriquez despues senyor y senjora Debrot a bai Aruba Caribbean Hotel caminda e mes un anochi gobernador a tene e recepcion tradicional pa anja nobo.

Un enorme cantidad di prominentenan for di autoridad, clero, cuerpo huridico, ambtenaarnan amigonan y conocirnan di e gobernador y su senjora a dirigi nan mes, diasabra anochi pa duna Excelencia y su senjora nan mihor deseonan. Segun nos calculacion tabatin presente como 500 persona kendenan a pasa 2 ora agradabel den Papiamento Room di Aruba Caribbean Hotel caminda nan a worde ricibi pa mr. N. Debrot y su senjora. Banda di 10' or y mei ora cu Wilhelmus

a toca poniendo un fin na e recepcion tabata di componde cu hopi persona a puntra "ya caba", como cu endudablemente e esferata tabata bon anima. Ayera mainta Gobernador Debrot a haci un bishita priva serca Ds. A. Jakobs. Durante ayera y awe ta dianan priva di e Gobernador y esposa mientras cu majan ta cuminsa cu diner, bishitanan etc. oficial atrobe.

Su Excelencia Gobernador di Antillas, Mr. N. Debrot inspectando fuerza arma despues di su yegada na aeropuerto diasabra atardi ultimo.



A.O.B. ta presenta "Jacht op een ponny"

Oranjestad, 6 Januari.

"Arubaanse Onderwijs Bond" ta bolbe bai studia un comedia pa hubentud. E biaha aki e comedia cu a worde escohe ta un obra di Mies Bouhuys titula "Jacht op een ponny".

Regisora lo ta senjorita Jane Lock. E diferente rolnan no a worde reparti ainda.

Srta. Lock entretanto a hanja su practica den e dirigitamento di comedia amateur na Aruba. Hunto cu regisor di Stcusa sr. PIET Eeltvelt el a regista anteriormen te "Het Witte Schaap van de Familie" cu maestronan di Maria Coliege y "Au Petit Bonheur" cu un grupo di A.N.V. Hunto cu senjora Alexandra Eeltvelt el a gia e comedia di A.N.V. "Oranjes Hotel", cu na 1963 a worde hunga ariba dia di con-

memoracion di e falleidonan den guerra, mientras cu su so ultimamente a regista, cu exito, e comedia di Pasco "De Ster van Bethlehem", cu como hungadornan maestronan di A.O.B. y PROVOCA. "Jacht op een Ponny" pues ta bira e segunda obra cu e ta bai gia su so. E intencion ta pa e premiere tuma lugar na Maart. Un comedia door di e maestronan pa e alumnonan.

FATUM - Tel: 1845
pa tur bo aseguronan

Deliberacion C.C.T. no prome cu 13 januari

Graduadonan na Delft y Eindhoven

Oranjestad, 6 Januari
Na Delft a gradua fin di aña pasa na Technische Hogeschool señor S.E. Angad Gaur pa su "propaedeutisch examen natuurkunde (2 parti) y señor E.K.L. Fernan pa su prop. examen electrotechniek (2 parti) y señor K.N. Edwards pa su prop. examen (2 parti) werktuigbouwkunde. Na Binnenziekenhuis na Eindhoven a gradua pa su diploma di enfermera -A e damanan J.M. Martis, F. Wiersma y señor F. Celaire.

San Nicolas, 6 Januari.
Segun presidente Frans Lodewijk Maduro di I. O.W.U.A., e union di empleadonan a participa na nos, su directiva ta cla pa cuminsa deliberacion tocante di e combenio colectivo di trabao nobo cu Lago. Ora cu ariba dia 2 di Januari ultimo nan a busca

contacto cu directiva di Lago pa stipula un fecha pa cuminsa e deliberacionnan tocante di un C.C.T. nobo, directiva di e compania a informa cu e deliberadornan di Lago no por haci nan mes liber promer cu dia 13 di e luna aki pa motibo di otro debenan.

Simon (Chommy) Dirks 10 anja na Arubaanse Courant

Oranjestad, 6 Januari. Diasabra ultimo, dia 4 di Januari tabata exactamente 10 aña pasa cu señor Simon Dirks, mas conoci como Chommy a drenta servicio di Arubaanse Courant como partido di courant, pa despues di tres aña bira un di e diferente cobrador. 1 di e empresa aki di cual awor e ta forma un di e trahadornan principal di e compania. Señor Dirks na e momento ta e unico mucha homber cu despues di a drenta den servicio di e compania, y door di gusta pa traha y comprendemento di su deber a logra hisa su mes for di partido di courant te na un di e mihor forzanan di Arubaanse Courant.

Simon Dirks a cuminsa traha 10 aña pasa, mescos cu awendia tin hopi homber ta cuminsa traha. Despues di a termina nan school menor of pa un otro motibu nan ta dicidi of e majornan ta dicidi cu ta tempo pa nan cuminsa traha y trece cen cas. Tempo cu sr. Dirks a cuminsa traha 10 aña pasa e tabatin 14 aña y manera tur otro partido di courant, tur dia cu excepcion di Diadomingo e tabata

sinta ariba su bicicleta of e tempo tambe den jeep pa parti courant pa e temponan ey abonadonan di Beurs-en Nieuwsberichten, To-day y Arubaanse Courant. Di cuminsamento Dirks a mustra cu e ta un mucha homber cu ta gusta traha y cu sa kiko ta su deber y loke otro ta spera di dje.

No ta straño tampoco cu tres aña despues cu el a cuminsa como partido di courant, e hoben Dirks tres aña despues ora cu e tabatin 17 aña ya a worde confia door di su hefe pa tuma trabao di responsabilidad di cobramento di e abonadonan y a unciadornan den e diferente courantnan representa e tempo pa e oficina di Arubaanse Courant cu tabata situa na Dakota den Awakatistraat caminda awor ta situa e oficina di Arubaanse Wegenbouw Mij. N.V. Como un habitante di San Nicolas, majoria parti su trabao tabata den e distrito aki tambe, especialmente den cuminsamento, esta partido di courant y cobramento. Segun señor Dirks a conta nos, tempo cu el a cuminsa parti courant no tabatin tanto abonado manera awendia y cu ocho mucha ya tabata basta pa parti tur e courantnan, pero awor tin 50 ta

haci esaki. Tempo cu el a cuminsa cobra hende el a hanja un parti cual tabata conta mas o menos 250 persona cu e tabatin di cobra cada luna. Mescos cu tur lugar, y tur trahador, aki tambe segun señor Dirks tabatin ups y downs. Pero nunca e hoben a perde e fe y confianza, su gusto y amor pa su trabao. Respet y comprendemento di su trabao tabata e pilarnan ariba cual e tabata traha na su futuro. Semper carinioso y colegial. Anjanan a pasa y 10 aña despues Chommy Dirks ta un di e cobradornan di Arubaanse Courant cu tin no menos cu 1500 persona pa cobra tur luna. Awe e ta casa feliz y cu e mes un gusto pa su trabao y deber di responsabilidad, casi sigur mas ainda cu 10 aña pasa. Y awor Dirks por bisa cu e ta e unico partido di courant cu a cuminsa na Arubaanse Courant y a logra desaroya su mes y hanja un di e puestonan responsabel cu e ta cubri awe. For di man di director di Arubaanse Courant señor D. Wolff, kende tabatin hopi palabra di elogio pa e empleado aki, señor Dirks a ricibi un recuerdo di e compania cu el a sirbi 10 aña largo y cu e ta sirbiendo cu mes un amor.



Diasabra ultimo senior Simon (Chommy) Dirks a cumpli 10 anja cu e ta den servicio di Arubaanse Courant.

Aki nos ta mira Sr. Dirks manera majoria di nos abonadonan conoce. Den su pick-up chikito cu su tas di cobra.

Conseho di comisarionan di K.L.M. sin president

Schiphol, 6 Jan. Maske conseho di comisarionan di KLM poco promer cu pascu a pone su mandato disponibel agregando qu e minister mester stipula un fecha pa esaki, ya algun comisario a sali definitivamente, prome cu e llega asina lew.

E comisarionan cu a sali ta presidente comisario den Hollander, comisario delega Tromp, y probablemente tambe comisario Tinbergen.

Asina Ir. Tromp, cu a hiba su jiu muher y suegro cu ta sali pa semper pa Turquia, a segura awe mainta na Schiphol, Ir Den Hollander dia promer di Januari a sali definitivamente for KLM. E conseho di comisarionan actualmente no tin ningun presi-

dent, segun Ir. Tromp, mi ta supone, cu ne promer sigulente reunion nan lo nombra un dje comisarionan cu lo conduci e conferencia. E rasonnan mas principal cu a pone Ir. Tromp jega pa su desicion ta cu como vice president dje fabricanan Philips e tin mucho poco tempo pa ocupa su mes suficientemente cu KLM.

Rebaho di tarivanan Trans-Atlantico

NEW YORK, 6 Jan. Majoria dje companianan grandi di aviasion entre cua compania Britanico BOAC, Pan American World Airways, Scandinavian Airlines Sys-

tem. Trans World Airlines y Air France a anuncia di lo rebahanan prijsnan riba routanan transatlantico drasticamente.

BOAC y PANAM a propone rebahonan di prijs na un conferencia na Nassau na fin di aña pasa. E companianan grandi actualmente a anuncia di ehecuta e rebahonan di prijs apesar dje hecho, qu nan no a alcanza un acuerdo general pasombra algun compania chiqui ta contra. Rebahonan di prijs, lo drenta dia prome di april den ehecutacion si gobiernonan di palsnan relaciona ta di acuerdo, lo ta mas o menos 340 florin pa vuelo ida y buelta transatlantico den eerste klasse y 180 florin den clase toerista.

Tambe KLM lo ehecuta dia promer di april e rebahonan di tarifa, segun e bozero di KLM a contesta riba preguntanan.

Majan anochi 7 di Januari pa 7.30 den Wilhelmina Stadion inicio di knock-out na beneficio di kleuterschool Santa Cruz.

Prome encuentro pa 7.30 Aruba Jrs. vs Dakota. Segundo encuentro pa 8.30 R.C.A. vs Jong Aruba.

Entrada: fl. 1.-- tribune cu dak
fl. 0,50 tribune sin dak
2 mucha cu un kaarchi.

Pa bo bisti un par di zapato chic y elegante, ta solamente na LA

LINDA bo por scohe algo completamente na bo gusto. Haci un bishita awe mes na:

La Linda



BO A PIDI



GAS CABA?

1898 - 1198

Deportistanan ta di acuerdo cu...

SPALDING
sets the pace in sports®

Antillian
MERCANTILE

CORPORATION N.V.

O'STAD TEL. 1145

S. NIC. TEL. 5635

Pintor Pandellis a casa awe

Oranjestad, 6 Januari. Awe a tuma lugar na Oranjestad, enlase matrimonial entre e conocido pintor John Pandellis (67) y senjorita Helena Alvarez (49). Senjor Pandellis ta un Griego naci na Saloniki cu algun anja pasa a hanja nacionalidad Hulandes. y cu anteriormente a biba hopi tempo na Venezuela, Surinam y Corsow y a pinta hopi ayanan. Srta. Alvarez ta di Surinam y pesey probablemente e presidente di e organisacion Surnameo sr. E.G. Wong A Sol y e miembro di eilandsraad E. Finck tabata presente na e casamento como testigo. Senjor Pandellis ta biba na De Ruyterstraat 3 na San Nicolas. Na Aruba el a hanja gran popularidad door di e exposicion di su pinturanan.

Aerocondor a hasi mal aterrizaje

Oranjestad, 6 Januari. Ayera merdia mas o menos un ora pa di dos blaha un caso di mal aterrizaje a tuma lugar na aeropuerto. E blaha aki tabata un Curtiss C-46 di e compania Colombiano Aerocondor, cu a baha ariba e pista di aterrizaje extendi cu no ta den uso ainda. Como cu e "Cross section" ta blokea te ainda cu piedra, e avion mester a stop, pa asina duna e personal di aeropuerto oportunidad pa haci e entrada pa e pista di taxi liber. Despues e avion a sigui su blaha normalmente. E caso ta den investigacion.

STENO en TYPEN



ST. GERARDUS CURSUS

BOTICA ARUBA

Personal competente
+ Maquinaria moderna.
= Servicio excelente.

Jama No. 1080 - 1081
of 1180

y nos ta busca bo recept y entrega e remedio na bo cas.

TA SOLICITA UN SIRVIENTA

pa trabao di cas. Sin bon referencia, inutil pa aplica.

Pa informacion jama:

tel. 2340

"Amical" ta busca contact cu publico di Aruba

Oranjestad, 6 Januari

"Amical", Union Ex-Alumnonan Lasallista, esta e antes alumnonan di La Salle School na Oranjestad, kier haci un suplica na cuminsamento di e aña ariba e publico di Aruba, den un esfuerzo pa hanja mas medionan pa trabao social, cual na e momento ta di un urgencia enreibel na nos isla. E organisacion tin un aña ta traha ariba tereno social, na unda e yudanza ta worde duna especialmente na e mucha cu ta bai school, esaki completamente segun e principianan di La Salle.

E organisacion di ex-alumnonan a worde estableci dia 9 di december 1962, no mucho despues cu señor Ernesto Rosenstand na nomber di e ex-alumnonan di La Salleschool a aserca frere directeur di Hulze de La Salle cu e pregunta kiko e ex-alumnonan lo duna na ocasion di e jubileo di plata di e frerenan. Un sorpresa grandi pa señor Rosenstand tabata ora cu a resulta cu e deseo di mas grandi di e frerenan tabata, pa establece un propio organisacion di ex-alumnonan cual lo kier yuda e frerenan na Aruba cu e hopi trabao ariba tereno social. Ariba e dia 9 di December mencioná, e organisacion a worde estableci durante un reunion di un grupo di ex-alumno den "Olde Molen". Pronto e organisacion a hanja medionan tambe, como cu e R.K. Onderwijzersbond St. Thomas, cu tambe kier a haci algo pa e jubileo, ariba peticion di e frerenan, a establece un "Fondo di Yudanza La Salle"; tambe pa yuda e trabao social. Ya dia 11 di Mei di aña pasa frere director Norbertus por a participa na e directiva di "Amical"; cu e organisacion por despone di sumanan for di e "Fondo di Yudanza".

Den e Statuton di "Amical" e intencion di e organisacion ta worde describi claramente esta:

"E yudanza den educacion y desaroyo di e hobentud di Aruba, ariba un base amplio, pa asina duna e hobentud e oportunidad pa tuma parti den enseñanza normalmente, fundá ariba Evangelio, dunando obediencia na e diferente suplicanan haci door di e Papanan y den e espíritu di Santo De La Salle". Den practico e yudanza di "Amical" ta cu e muchanan di famianan menos afortunado, cu pa motibu di esaki no por asisti na school, ta hanja valenan di bator serca "Amical", despues cu un comision special a studia e caso. E valenan ta permiti e majornan pa busca panja y lo demas den cierto negoshinan pa e mucha, asina cu e por asisti na school bisti na un manera desente. Yudanza ta worde duna na kende cu ta den mester sin destinacion di rasa, religion of politica.

Te na e momento e trabao social aki por a worde haci na un manera basta barata, gracia na e "Fondo di Yudanza La Salle"; donacionan cuinan e frerenan a ricibi de bez en cuando pa e bon trabao y e echo cu nan tin un negoshi caminda nan por cumpra panjanan necesario etc. pa casi mita di e prijs di tienda. En general, cu excepcion di un cuater negoshi, e yudanza di e comerciantenan tabata casi nada,

segun e frerenan. Como cu "Amical" despues di e éxito di ultimo lunan kler extende su trabao social y pa motibu ey mester di mas medio, pronto kler duna nan resultado di aña 1963 na prensa pa publicacion. Sperando cu door di esaki lo hanja mas aprecio y cu e aprecio lo resulta den mas donacion di particularnan y yudanza for di un circulo grandi di comerciantenan. "Amical" tin un cuenta na H.B.U. y Banco Popular Antillano "bao di su propio nomber. Esaki segun un declaracion di frere-directeur Norbertus cu kende Diasabra malnta nos a sinta combersa na Hulze de Lasalle tocante di e actividadnan di e organisacion hoben, cual seguramente ta un otro bon trabao di e frerenan na Aruba.

WE ARE PLEASED TO ANNOUNCE, THAT EFFECTIVE AS OF JANUARY 1st 1964,

THE AGENTS FOR PET EVAPORATED MILK

IN ARUBA AND CURACAO ARE, RESPECTIVELY,

POSNER'S AGENCIES ARUBA

POSNER'S AGENCIES CURACAO

GENERAL MILK COMPANY

LOS ANGELES, CALIFORNIA

N. van Veen presidente nobo di bridge club

Oranjestad, 6 Januari.

Durante di un reunion general di Diabierna anochi e miembronan di e club di bridge na Aruba "Aruba Ariba" a eligi un directiva nobo.

Senjor J.J. Bosman a worde remplasa como presidente pa senjor N. van Veen. E otro puesto nan di directiva a worde parti entre senjora To Dekker y senjornan P. Zonjee, W. van Sant y ir. J.H. Dijkhout.

Durante di e reunion cu a dura te laat den anochi, diferente puntonan a worde trata extensamente door di e miembronan. Un decision importante cu a tuma lugar despues di discusionan extenso tocante di e entradanan di club ta, cu en futuro e entradanan di e club lo no worde usa na promer lugar pa paga gastonan di encuentronan internacional di bridge, pero usa e plaça di entrada pa de bez en cuando organisa fiestanan grandi di cual pues tur e miembronan por goza. Tambe a worde participa cu dia 11 venidero ir. W. de Waal, e

Alavez no ta imposibel cu na Mei di e anja aki, despues di e Olympiada di Bridge cu lo tuma lugar na New York, algun di e gran cantidad di participantenan Hurlandes na e Olympiada lo worde invita pa hunga algun wega contra di e team selecta di Antillas.

Durante di e reunion ya menciona, a worde dicidi tambe cu fuera di competicion normal di e club, pa forma tambe un club pa practica dornan esta miembronan cu kier tuma parti na un training general. Tambe a tuma lugar durante e reunion aki entregamento di copa na e pareha campeón di e club pa anja 1963, esta senjor y senjora G. Grooters.

Hopi actividad durante

jubileo di P.O.V.A.

Oranjestad, 6 Januari.

En coneccion cu e 20 anja di Jubileo di Politie Ontspanningsvereniging "Aruba" (POVA) fiestanan y encuentronan deportivo lo worde teni for di dia 11 di Januari te dia 8 di Februari.

E festividadnan ta cuminsa dia 11 durante un "anochi di inauguracion" den centro di Palm Beach, unda un barbecue lo worde organisa pa e miembronan.

Musica lo ta a cargo di e conhuntro "Caribbean Stars" y un caha di orgel. Un atraccion especial e anochi aki lo ta un demostracion di e judo club di POVA. E diasabra siguiente, dia 18 tin encuentronan di tennis pa e campeón di POVA. Eseyan ta worde hunga ariba e ganchanan di ELMAR y ta bao gia di senjornan F. Baggerman y L.B. Labacks. Diadomingo dia 19 lo ta dia di piscamento. Pa 8'or di malnta e concurso di piscamento ta cuminsa. E organisadornan P. Franssen, J.F. Slats y E. Ammerlaan a pone premio disponibel pa e pesca di mas grandi, pisa y esun cu ta trece mas pisco. E encuentronan di domino ta tuma lugar dia 22 den POVA Paviljoen. Organisadornan di e encuentronan aki ta senjornan A. Hijmering y R. Rijna. Diasabra dia 25 tin tiramento pa e copa di campeón. E encuentro-


nan aki ta worde prepara door di senjornan C. Brinkenbergh, H. Cathalina y H. van der Wulp. E comision "Kindermiddag" consistiendo di senjornan N. Vermeer, H. van Rooyen, N. Isidora y C. Hessels lo percura pa dia 26 atardi e muchanan por hari nan barica yen na Pova Beach. Pa dia 29 ta para ariba programa "laverjas y aki e organisadornan ta A. Bilderweek y W. Wijfels. Promer di februari ta dia di camnamento, organisa door di senjornan A. Nagtegaal, G. Schouten y J. Aarts. E wandelmars ta cuminsa pa 7'or di anochi na Tarcisius College y despues tin bailamento. Esun promer cu delaster punto ariba programa ta tuma lugar dia 5 y ta un bridge drive. E anochi patermina e fiestanan aki di jubileo ta tuma lugar dia 8 di Februari na P.O.V.A. Den e comision di fiesta tin pue-

to, senjornan H. Tuinenburg, M. Daeltman, H. Alberto y L. Pepermans. E organisacion P.O.V.A. tin cinco miembro di honor, esta mr. L.C. Kwartz, ex-gezaghebber di Aruba, y senjornan Th. A.J. van Erp, L.A. Valk, H.A. van Bodegom y P. van de Wey. Na momento e organisacion tin 119 miembro, 28 extra ordinario y 49 miembro cu ta mantene e club. Presidente ta comisario C.A. de Jager. Henter e programa di fiesta ta e trabao di senjornan N. Vermeer, C. Brinkenbergh, H. Tuinenburg y H. van Rooyen.

Bishitanan na Berlin Oost

Berlin 6 Jan. Mas o menos 300.000 Berlines Occidental a haci uso dje oportunidad pa bishita famillanan ne parti Oriental dje ciudad. Ayera a pasa pe sector Oriental 235.000. Foi inauguracion dje muraja riba 18 di december pasa a pasa actualmente en total 1,2 milion berlines Occidental cu pas di un dia pa Berlin Oriental. Hopi di nan a bishita e parti Oriental aki varios biaha.

BISHITA INESPERA?



Por sosede y diferente bishita socedé, asina ta semper bo mester tin carni di Libby's na man. Cu Libby's bo por haci tanto cos, y cu e siguranza cu bo bishitantenan lo goza di loke bo sirbi.



N.V.

WINKEL'S HANDEL MAATSCHAPPIJ

REY DE COPAS

RESULTADO CONCURSO DECEMBER 1963



TOTAL

TRES

MIL

FLORIN



1

PREMIO FL. 1000.-

Miss "TESORO"
Maria Tromp
Turibana 53, Noord

3

PREMIO FL. 500.-

Miss "DICHOSA"
Albino van der Biezen
San Barbola 52, Paradera



2

PREMIO FL. 500.-

Miss "DICHOSA"

Milda Verguez
Zuidstraat 18
Oranjestad.

4

PREMIO FL. 250.-

Miss "FAMOSA"
Pedro Kelly
Seroe Janchi 40, Noord.

5

PREMIO

FL. 250.-

Miss
"FAMOSA"
Jacobo
A. Lampe
Pastoor
Hendrikstr. 88

San Nicolas.



Miss "ALEGRIA"
pa nov. 1963

Miss

"TESORO"

"DICHOSA"

"FAMOSA"

pa dec. 1963
rondona pa e grupo di
feliz ganador (a) nan.
Mas na drechi sr. J.
Gonzalez, director di
Aruba Distilling Co.



6
PREMIO FL. 250.-

Miss "FAMOSA"
Maria Werleman
Mahuma 24 A.

7
PREMIO FL. 250.-

Miss "FAMOSA"

Srta Hyasintha Figaroa
Keito 16,
Noord.



SIGUI SPAAR BOT-
TERNAN BASHI DI
E DELICIOSO Y SA-
BROSO RON REY DE
COPAS Y PARTICI-
PA DEN NOS CON-
CURSO SENSACIO-
NAL NOBO CU MAS
PREMIOS Y MAS
SORPRESAS.

**PA MAS CALIDAD
Y MAS PREMIOS**

REY DE COPAS

ARUBA DISTILLING CO.

Wilhelminastr. 47

Tel. 1266

AGENDA

ARUBAANSE COURANT

diariamente cu excepcion di diadomingo

subscription f. 3.25 pa luna edicion los 20 ct.

edita pa:

N.V. Arubaanse Drukkerij - en Uitgevers - en Publiciteits Mij.

imprimi na:

N.V. Drukkerij „de Stad,,

Telefoon 1116 Directiva y redaccion, 2116 Anuncio y subscription.

Directeur hoofdredacteur: D. Wolff.

CINE

Dialuna 6 Jan:

De Veer: 8.30 p.m. "Too Hot to Handle" 18 j
Rialto: 8.00 p.m. "Rider on a dead horse" all
Principal: 8.00 p.m. "The Interns" 18 j
Aurora: 8.00 p.m. "El Mil Amores" 18 j
Savaneta: 8.00 p.m. "Hatar" all

WIT-GELE KRUIS

Oranjestad: Zr. Ewalda
San Nicolas: Zr. Perpetua
Santa Cruz: Zr. Ludovic

DOKTERNAN DI WARDA

Oranjestad-Noord: Dr. J.R. Leo
San Nicolas-Sta Cruz-Sav: Dr. A.v.d. Hoeven.

BOTICANAN DI WARDA

Oranjestad: Botica Oduber Tel: 1780.
San Nicolas: Botica San Lucas, Tel: 5119

TELE-ARUBA

Dialuna 6 di Januari 1964

05.30 Cartoons
06.00 Panorama Pan Americano
06.30 Ante Oakley
06.45 Papiamento Newscast Live & Filmnews
07.00 The Flintstones
07.30 Sports News
07.45 I Love Lucy
08.15 Have Gun Will Travel
08.45 English Newscast Live & Filmnews
09.00 Dutch Film
10.00 Sign Off.

RADIO CARACAS TELEVISION

Dialuna 6 di Januari 1964

17.15 Mr. Magoo
17.45 Noticias
17.50 Ajedrez fatal
19.00 Markham
19.30 La Ley del revolver
20.00 El observador
20.15 Novela
20.30 Radio Rochela
21.00 M. Squad
21.30 El Show de Dick Powell
22.30 Noticias
22.35 Cine para todos
8.45 Senderos de luz
9.00 Caja con sorpresas
9.30 Jardin de infancia
10.00 Ingles por T.V.

10.30 Cosas de mujeres
11.15 Quien es quien en T.V.
11.45 Novela
12.00 Show de Saume
13.15 Se necesita una amiga
13.35 Novela
13.50 Yo se lo vendo
14.20 Punto y aparte
14.45 Estudio Hector Monteverde
15.15 Perfecta ama de casa
15.45 Aventuras de Popey y Yeyo
16.15 Mejias y sus muchachos
16.45 Buque su marca

Cumpleanjos

Dia 6 di Jan ta cumpli 3 anja Raymundo Croes, felicitacion ta bini di su mama Julieta, tata Jose, rumanan Chindo, Mani, Juan, Miguel, Chichi, tantanan Maria, Franca, Niya, omonan Willie, Chinto, Pedrito, Nicolaas, primo y primanan, especialmente di su madrina Virginia Wernet, welo Herchi y demas famia Croes, Franken, Angela, y Dirksz.

Dia 3 di Jan a cumpli 60 anja Señor Inocentio Casper Farro, felicitacion ta bini di su 9 junan, 10 nieto y nietanan, 3 suegranan, 2 rumannan, swanan, cuñanan, sobrino y sobrinanan, comer y compernan, muy especialmente di su jiu Lala y suegro na Hulanda y demas famia Farro, Bermudez, van der Billek y Giel.

Un presu Vietcong ta camna cu su brazanan mara riba su lomba despues di a worde captura door



Algun ganador di e programa "Sorpresa Amstel"

E personanan aki a busca nan premio na Tele-Aruba, Diahuebs siman pasa. Di robes pa drechi: Pedro Arends, Seroe Alejandro No. 1, kende a gana Fls. 25,00
Glenda Zimmerman, Bernhardstraat, kende a gana Fls. 25,00
Daniel Hassell, Spaans Lagoen 13, kende a gana Fls. 100,00
Lucia Rock, Bernhardstraat 156, kende a gana Fls. 25,00 (a.d.v.)

di un patrulla di Sur Vietnam na sur di Saigon. E presu a bisa cu e tabata e unico sobreviviente di un atake aerea door di avionnan di Sur Vietnam riba nan.

Zanzibar ta kibra cu Portugal

ZANZIBAR, 6 Jan, Awe noch Zanzibar lo kibra relacionnan diplomatico cu Portugal. Asina minister di exterior Sjeik Ali Moesjin a participa. E minister a anuncia alaves, cu China Comunista lo entrega Zanzibar mercancías di un balor di 300.000 florin.



Papa Pablo a jega Israel

MULTITUD ENORME TA SALUDA PAPA

Megiddo, 6 Jan. Papa Pablo ayera mainta a llega Megiddo, Armageddon Biblica, pa bishita e lugarnan santu na Israel. A saluda e Sumo Pontifice e mandatario di Israel president Sjazar, y otro autoridnan Israelita.

Tranquilamente Papa a contesta pa gestonan e aplauso dje multitud y a subi despues cu e mandatario Israelita un podio caminda president Sjazar a tene un discurso di bienvenida den Hebreo. Papa a contesta e discurso aki. Polis Israelita a tuma medidanan extenso pa proteha hefe di iglesia catolica. Como un parti di operacion

“Sjalom” polisnan tabata para riba dak di cas, situa na lugarnan strategico.

Papa Pablo a worde saluda na Nazareth pa un multitud di segun calculo 100.000 persona cu a reuni den becindario dje iglesia di Anunciacion (Maria Boodschap) Den e misa aki Papa a bishita e convento di Franciscanonan ne lugar despues el a sali pa Capernau ne Lago di Galilea. E ruta cu e Sequito Papal mester a sigui a worde cambia ne ultimo momento, ora cu e Sumo Pontifice a bisa di ta desea di bishita Cana caminda Jesus a haci su promer milager den publico. Papa a cana cu pla pe ruina dje synagoga bieuw di Capernaum pa orilla dje Lago Tiberias. Bao di aplauso dje multitud y compania di polis, prelacionan

y autoridnan, Papa a drenta den e ruina caminda el a keda pa un ratu. Despues Papa a sali cu su sequita cu auto pa serru di Santificacion pa goza di un sosiego corticu y pa come promer cue sali pa Serru Tabor. En contra dje situacion Chautico, cu tabata reina den sector Jordanes di Jerusalem caminda soidanan Jordanes mester a habri caminda cu cabo di scopet pe Sumo Pontifice, tabata reina un orden completo na Israel. Weer tabata cla, y friu, tempo metro tabata cerca di zerro.

PROPAGANDA

Ora cu Papa Pablo a sali di Jerusalem Radio Amman a cu-

minza cu su promer transmision. E radio a avisa e lider Eclesastico pa loke e lo mira o tende na otro banda dje linea di Armisticio den Palestina cu ta ocupa.

Radio Amman a bisa: Nan lo conta e Sumo Pontifice hopi cos, pero e Israelitanan lo no bisele nada tocante kestionnan di millones di refugiadonan Arabe, cu nan a corre cu nan foi nan cas y cu foi e tempo ey ta spera en vano riba nan derecho pa regresa nan lugar.

Awe mainta ne ruta Sumo Pontifice lo mira varios campo di refugiadonan. Papa lo acepta e injusticia aki pa continua, segun Radio Jordanes.

Ora cu Papa a llega a parti Israelita di Israel ya nochi a cai caba y weer tabata friu.

Ne misa di Mormitio Papa a wordu ricibi cu aplauso. Riba un trono special Papa a papia

qu e presentenan den Frances. Bendicionando Papa despues a sali dje misa pa su auto pa sigui pa porta Mandelbaum, e puesto di frontera entre Jeruzalem Israelita y Jerusalem Jordanes, di caminda pe serru Sion Papa a drenta Sala di Ultima Cena.

Regalonan ne bishita Papai

AMMAN 6 Jan. Rey Hoesein di Jordania a regala Papa Pablo na esaki su llegada ne aeropuerto di Amman dos imagen, corta foi palu di matanan di hofi di Gethsemani.

Papa na su turno a entrega e rey un holochi di siglo 18 y un electrocardiograaf pa un hospital Jordanes.

E mapa aki ta indica e ruta di Papa Pablo durante su bishita na Jerusalem. Su prome bishita tabata e Via Dolorosa (A), despues el a drenta den e basilica di e Tumba Santu caminda el a tene un misa santu. Luego el a camna bai pa e

porta di Damasco y despues pa e edificio di e delegado apostolico (C) caminda el a descansa y come. Djei el a sigui pa e jardin di Gethsemane (D) pa reza y a regresa despues di esey pa e edificio apostolico pa pasa a-nochi.

CU UN
PERCOLATOR
ELECTRICO.....




KOFFIE SABROSO
DEN UN INSTANTE!



Athenagoras a jega Jerusalem

JERUSALEM, 6 Jan. Patriarcha Athenagoras di Constantinopel a llega qu avion na Jerusalem. A saluda e patriarcha na aeropuerto rey Hoesein di Jordania. Mas den dia Papa lo ricibi patriarcha Athenagoras esaki lo te prome encuentro dje sumo pontifice y lider an di iglesia di Oriente pa mas di 500 aña pasa. Mientras soidanan ta trata pa mantene e multitud ne aeropuerto e patriarcha a bisa: "Mi ta spera cu bo presencia akinan lo contribui pa unidat di iglesia catolica."



RIP KIRBY

pa cortesia di: **JAN BODEGOM & CO (ARUBA) N.V.**
 Agente exclusivo di **FRIESCHE VLAG** lechl evaporado y lechl en polvo **MAXWELL HOUSE KOFFIE.**



BUCHI ROBEZ

pa cortesia di: **REFRESQUERIA INGRID** Tel. 2123
 E mihor adres pa snacks, tur clase di dushi, softdrinks, ice-cream y revistas.



DICK TRACY

pa cortesia di: **ANTILLIAN HARDWARE CO.**
 E mihor adres pa VERF, KWASHI, TUR HERMENT, ARTICULOS SANITARIO.



CISCO KID

pa cortesia di: **ARUBA BOTTLING COMPANY**
 NESBITTS den varios sabor, e refresconan mas pidi y mas gusta na Aruba



HOROSCOPO PERSONAL

Pa diamars 7 januari 1964
aries 21 maart - 20 april
 Algun kestion fastioso awe lo exigí tacto di bo banda. No entremete den dificultadnan di otro, esey por costa bo placa y tempu.

TAURUS 21 april - 21 mei
 Paga extra atencion na sernan queri awe pasombra nan lo ta masha sensitivo. Bo finanzas lo no jega pa diverticion costoso.

GEMINI 22 mei 21 juni
 Den bo cas por tin algun dificultad chikitu y tambe na bo trabao. Controla bo reaccionnan y evita desunion cu hendenan critico.

CANCER 22 juni - 23 juli
 Bo lo ta capaz pa deshaci di algun kestion practico y util. No hinka bo mes den aventuranan y limita contactonan social.

LEO 24 juli - 23 augustus
 Awor bo lo mester duna poco atencion extra na asuntonan di placa. Trata pa elabora ideanan bon cu por duna bo ventaha.

VIRGO 24 augustus - 23 september
 Influencianan di planeta ta yuda bo hala atencion awe di otro nan y bo lo desea pa hasi cambionan. No haci nada sin aprobacion di bo partner.

LIBRA 24 september - 23 oktober
 No tuma un decision mucho purá y paga atencion na hechonan. No compromete bo mes pa hopi tempu aspectonan pa asegurado ta malu.

pa BOEKI „SONJO„ na spanjo y ingles cu interpretacion di number di suerte.....
..NICOLAAS STORE,,
 Tel...5385 - San Nicolas

SCORPIO 24 oktober - 22 november
 Bo ta cambia di opinion. No laga bo piannan depende di amigunan. Nan por varia masha y desapunta bo. Tene un bista riba bo gastonan.

SAGITTARIUS 23 november - 21 december
 Acento lo cai riba asuntonan di negoshi i interesnan di bo majornan. No tuma medidanan cu ta contra bo propio interesnan.

CAPRICORNIUS 22 december - 20 januari
 Acento ta cai riba noticianan cu bo ta ricibi y asuntonan den exterior. No sinta sonja awor y traha cu energia.

AQUARIUS 21 januari - 19 februari
 Lo ta necesario awor pa controla bo asuntonan financiero y trata pa hanja cosnan cu bo a fia hende bek. Laga otro nan paganan parti den diverticion.

PISCES 20 februari - 20 maart
 Bo por mira awe con otro nan ta pensa, basta bo paga tino na nan reaccionnan y comentario. Laga bo socio duna bo poco idea nobo.

Ehecusion na Bulgaria

SOFIA, 6 Jan. E diplomatico Bulgaro Goergiev, qu bispu di Aña Nobo a ser condena na Sofia pa motibu di spionaje pa Merca awe a ser ehecuta, despues qu presidium dje Asamblea Nacional ayeranochi a rechaza un peticion pa clemencia. Goergiev, tabata entre otro consehero ne delegasion Bulgaro cerca Nacionnan Uni.

Mensahe Papal pa Makarios

NICOSIA, 6 Jan. Papa, ora que tabata bula den avion riba Cyprus, a manda un mensahe pa president Makarios, den cual el a muestra riba e papel historico di Cyprus tempu di San Pablo y San Barnabas. Nos ta saluda boso cordialmente y ta pidi clemencia divino pa su excelencia y e pueblo, segun Papa.

Haile Selasie pa Rusia

ADDIS ABEBA 6 Jan. Rey Haile Selasie di Ethiopia a acepta un invitacion di prome minister Chroesjef pa un bishita oficial na Rusia, segun a ser

anuncia awe oficialmente na Adis Abeba. Nan no a stipula ainda ningun fecha pe bishita menciona.

Estudiantenan a fiesta anja nobo na Leiden

Oranjestad, 6 Januari. Ariba iniciativa di O.A.S.A., organisacion di Studentenan Antilliano na Leiden, un gran cantidad di Studentenan Antilliano na Hulanda a fiesta cambiamento di aña den e stadsgehoorzaal ayanan. A worde percursa pa un esfera tipico Antilliano, na unda "Conjunto Alegre" bao di guia di E. Gunnin y "Sonora Paramarera" a duna cooperacion. E lema di e festamento tabata, "Aña nobo no codicia ami, Aña Bleuw". Durante di e fiesta Señor Frank Martinus cu poestan di propio buki, y acompaña di mu-

sica (walg) di Caroli Tseng a duna despedida di aña bleuw. E fiesta a worde tent den e famoso "sterrenzaal", caminda, tumando e renobamento cu a caba di tuma lugar e tiramento di klapchi tabata prohibi.

Adenauer a cumpli 88 anja

bonn, 6 Jan. Ex cansiller federal di Alemania Occidental dr. Konrad Adenauer ayera a cumpli 88 aña. Dr. Adenauer, qu dia 15 di oktober di aña pasa a retira foi bida politico, despues di e dirigi gobierno di Alemania Occidental foi 1949, a ricibi entre otro telegramnan di Sir Winston Churchill y president de Gaulle. Un cuerpo musical dje ehercito di Alemania Occidental a duna e mandatario aki un aubade.

Officina di pas na Berlin serra

BERLIN, 6 Jan E 12 Oficina di pas di Alemania Oriental na Berlin Occidental, caminda foi 18 di December pasa nan tabata entrega pasnan pa bishita e sector oriental, a wordu serra. Entre tanto a ser anuncia, cu delegadonan dje direccion di ciudad di Alemania Occidental y dje gobierno di Alemania Oriental lo reuni atrobe fin di otro siman. Nan ta spera, cu lo tin atrobe un gran cantidad di bishitante nan na Berlin Oriental. Te Diasabra atardi 12 ora nan a entrega 150,000 pas. E cantidad mas altu foi 18 di December qu a ser duna tabata 155,000 pas den un solo dia.